

20

Q. D. B. V

DISPUTATIO POSTERIOR  
DE  
POENIS  
OCCVLTE SVMTIS

---

QVAM  
P R A E S E S  
M. DANIEL HENRICVS  
ERNESTI

SCHREBIZENSIS MISNIGVS

ET

RESPONDENS  
MATTHIAS PRVNI

THRENSCHINIO HVNGARVS

AD DIEM XXVIII IVLII A. R. S. MDCCXLV  
INSTITVENT



VITEMBERGAE  
EX OFFICINA HAKIANA



CC

## §. VIII

**V**t Albano id, quod, Egmondanum et Hornanum palam capite pleci, iusserit, in priorj dissertatione uitio datur, sic e contrario praecipua laus nunci iatribuitur, qui insignes homines, morte dignos, clam interficiendos curant. Euitant enim odiorum turbarumque pericula. Si mens nostra ad pristina respicit tempora, plurima se nobis huius rei offerunt exempla. • Perdicca, Dux belli, postquam exercitum armatum in campo constituit, consentientibus uniuersis, euocatos, dum transit, de singulis manipulis seditiosos supplicio occulte tradidit, Iustia. lib. XIII histor. Cap. IV, no. 8. Pari modo Tiberius personatum Agrippam, cum, propter magnos multosque in domo Principis amicos, poenam eius palam non auderet, in secreta palatii parte interfici, iussit, corpusque clam auferri, prout nobis scriptum reliquit Tacit. lib. II Annal. cap. XL. Sic ne corpus quidem et sanguis occulte punitorum monstrari et aspicci debet. Consentit hic supra cit. Aerodius lib. VII, Cap. XVII, f. 412, qui non solum huius ficti Agrippae, sed etiam Orontis, mentionem iniicit, subiuncta demum huius occulationis causa, Orontes, ait, proximus erat genere Artaxerxi. Huic cum bellum esset cum Cyro, minore fratre, Orontes, qui Cyrum sequebatur, proposuerat eum prodere Artaxerxi. Eo nomine a Cyro, de septem procerum sententiis, damnatus, sic poenas luit, (refert Xenophon) ut eum postea quisquam nec uiuum, nec mortuum, uideret, qua morte extinctus esset, nescirer, neque cadaueris, neque sepulchri, uestigium ullum apparerer. Mouet enim nonnunquam expositum cadauer, funusque mouet, praesertim uero, si potentiissimi uiri, et si sine accusatione poena exacta est. Cedo, quid tam Bruto et Cassio nocuit, quam elatio Caesaris. Meministine, inquit Cicero ad Atticum, te clamare, causam periisse, si elatus esset. Quid tam utile fuit Tarquinio, quam Seruium Tullium priuasse publico ac Regio funere. Hactenus Aerodius. Accedo nunc propius ad tempora recentiora, in iisque multos principes, reos clam punientes, deprehendo. In memoriam reuoco Henricum III, Galliarum regem, qui Ducem, Guisium, eiusque fratrem, Cardinalem, claudina

destina caede interfici, iussit. Quorum prior in interiori Regis conclavi a coniuratis ex composito, repentinis ictibus transfixus, animam efflauit, alter uero, cum in cubiculo, una cum Archiepiscopo Lugdunenſi, custodia teneretur, inde euocatus, monitusque prius, ut se Deo commendaret, haſterum necatus ictibus, ultam poſuit. Sic interitu acerho uterque coniurationis pendit poenas. Præter alios ſcriptores, id enarrant Luuetus in Hiſtoria, Gaſſice ſcripta, uirorum illuſtrium, a Principibus ualde dilectorum, (des plus illuſtres fauoris) tom. II, p. 384, ſeqq. Thuan. Lib. XCIII, ad A. M D LXXXVIII, f. 246, b, et 248, b, ac Gregor. Leti in cit. uita Sixti V, parte III, Lib. III, p. 338, et 341. Qui quidem hiſtorici, maxime Thuanus f. 243, b, cauſas exponunt, cur Guiſii iſti occulta eiufmodi inter-  
 nectione tollendi fuerint. Initio quidem commemorat Thuanus, Regem cum quibusdam amicis, in conſilium adhibitis, putaſſe, Guiſios ex legibus, cognita iudicum ſententia, ad ſupplicium eſſe dandoſ. Sed, cum talem rem in iudicium deducere, ibidemque cum reis iure experiri, diſſicillimum uideretur, illi, qui Regi a conſiliis erant, mutarunt conſilium, atque iſtoſ clam occidi, utiliſſimum arbitraſi ſunt, cauſam interferebant, periculum celeritate praeuertendum, et tempeſtiua ui uolentiam deſtendae coniurationis occupandam, idque ad ſamam honeſtum in huiufmodi rebus ſemper haberi, quod ad ſalutem expediendam utile, immo neceſſarium ſit, non enim dici poſſe fidem uiolari, cum iſ, qui ius necandi habeat, in graſſatores, in iuris diuini humanique uiolatores, in affectatae tyrannidis manifeſtoſ reoſ, iure gladii utatur, cetera. At ſunt quidam uiri docti, qui hie in diuerſas trahuntur ſententiaſ. Male Henricum Regem feciſſe, dicunt nonnulli, quod Guiſium, Ducem, in conclauē ad ſe accerſitum, præter omnem opinionem, oppreſſerit, neque huic tempus pro ſe uerba faciendi reliquerit. O quam Rege factum indignum, exclamant. Ipſe Guiſi, maximi Ducis, cum interſiceretur, ſanguinem adſpexit. Fratrem quoque Cardinalem, ſacram eius dignitatem nihil curans, eodem ſere modo in percuſorum manuſ traditum, interemit. Hac autem re effecit, ut non ſolum Pontifex Romanus hoc factum indignaretur, ſed ipſe  
 etiam

etiam Rex in magnum ciuium suorum odium perueniret, id quod apud citatos modo scriptores, Thuanum et Leri, relatum legatur. Conf. Petr. Baelius in Dictionar. Histor. Crit. sub nomine Henry de Lorraine, Duc de Guise, f. 652, seqq. Alii uero, Henricum recte ac bene fecisse, perhibent, cum, publica coactus necessitate, imitatus sit Titum Imperatorem, qui, commemorante Suetonio, in Tit. Cap. VI, A. Caecinnam, uirum consularem, ad coenam uocauit, ac uix dum triclinio egressum, confodi, iussit, sane urgente discrimine, cum etiam chirographum eius praeparatae apud milites coniurationis deprehendisset. Quid igitur obstitit, inquiunt, quo minus Regi Henrico Guisios clam necare licuerit. Iam in eo erant, ut, Rege in monasterium detruso, regnum occuparent. Sed, instant, id Magistratui, si sine summa causa magnei criminis reum, neque auditum, neque defensum, condemnaret, et occulto supplicio tradat, uitio dari. Namque iniustitiae et crudelitatis praebere, aiunt, suspensionem, quoniam qui inuicti atque indefensi pereant, tanquam innocentes periisse uideantur, ut scribit Tacit. lib. I Histor. Cap. VI. Conf. hic Ahafuer. Fritschius in Principe peccante, conclus. XXV. At, si periculum immineat, et magistratus delicti certior sit, uel ex eius, qui crimen commisit, literis factisque cognoscat, celeri potius supplicio, quam instituto ex legibus iudicio, opus esse, arbitrantur. Quo plura huius rei extant exempla, eo libentius quoque multi hanc amplectuntur sententiam. Velleius Paterculus in Lib. II Histor. Rom. Cap. LXXXVIII, nobilis cuiusdam facti Maecenatis mentionem facit. Maecenas scientissimus agendi et providentissimus Augusti fuit Administer. Hunc, ait Historicus, cum Lepidus quidam interficiendi, simul in urbem reuertisset, Caesaris iniussit consilium, speculatum esse, per quietem et dissimulationem, praecipitis consilia iuuenis, et mira celeritate, nullaque cum perturbatione, aut rerum, aut hominum, oppresso Lepido, immane noui ac resurrecturi belli ciuilis restinxisse initium, Lepidum uero male consultorum poenas exsoluisse. Praedicat hoc factum supra laudatus Boeclerus in notis ad h. l. p. 259, hoc addito iudicio, Ecce, quam paucis uerbis, quantum politicae artis hic Velleius inclusit. Nonne enim omne et consilium, et en-

comium opprimendarum conspirationum in eo uersatur, ut, dissimulata speculatione, ueluti aliud agendo, et per speciem otii comprehendantur, deprehensa autem clerice et absque omni *negotio* uindicerentur, priusquam tumultus aliquis exoriri, rerumque, aut hominum perturbatio intervenire possit, quae plerumque difficilem eam medicinam reddit. Ita Boetius. Conf. eiusd. dissertatio de iudiciis in tom. I. dissertat. p. 268, ubi duo a Boetio ad eiusmodi poenam requiruntur, certa criminis fides, et sufficiens publici periculi ratiocinatio. Excitat simul Gramondum, qui de Anacraei in Gallia caede, iussu Regis facta, iudicia, in utramque partem diuulgata, affert lib. II. Histor. Gallic. p. 158. In crimine manifesto tempora Reipublicae non semper processum iuris requirere, expressis uerbis scribit Marpurgeusis quondam Doctor, Cyriac. Lentulus, in Aula Tiberiana, aphor. LXXXIX, p. 77. Ibi existimat, tria, si quis, causa coram iudicio non peracta, puniendus sit, esse obseruanda, primum, ut de commissio, aut cogitato, facinore non ambigatur, deinde, ut e mora periculum metuendum esse uideatur, postremo, ut, sine distractione Reipublicae, ad causae dictionem perueniri nequeat. Arnoldus Clapmarus itidem lib. IV, de Arcan. Rerumpubl. cap. XII, p. 145, copiose declarat, quantum Reipublicae intersit, si in causa maiestatis, exortis seditionibus, praeruptis cruentisque factionibus, aperta sint crimina, repentinum sumi supplicium, cum ita confestim remedium, non post uulneratam demum causam, quaseratur, nec publica animaduersione studia uulgi et seditiones concitentur. Accurate igitur idem Clapmarus crimen manifestum a non manifesto discernit. Quare dubitat, an recte fecerit Alexander, cum Parmenionem, coniurationis non conuictum, sed suspectum tantum, interfici, iusserit. Id non modo Curtius lib. VII, Cap. II, ex parte affirmat, uerum etiam plerique doctores cum eo consentiunt, uelut Boetius in Charact. polit. Vellei. cap. V, no. 9, et Io. Loccenius in not. polit. ad Curt. c. I. Sic Calpurnius Galerianus, nihil ausus, sed propter nomen insignis, et famam principatus inanem, ei circumdatam, h. e. falsum rumorem, de eo, quasi rerum potiturus esset, sparsum, iussu Muciapi, qui uim principis tum complectere-

batur, nomen remittebat, custodia militari cinctus, ne in ipsa urbe conspectior mors foret, ad quadragesimum ab urbe lapidem, via Appia, fuso per uenas sanguine, iniuste fuit extinctus, quemadmodum Tacitus lib. IV Histor. cap. XI, memorat. Quod si uero nulla causa subest, quare periculum extimescat, boni ac iusti principis est, causam ad iudicem deferre, et delicti ream atque ad mortem damnatum, si consultum fuerit, occulto loco punire. Hanc puniendi rationem iniit Henricus IV, Galliarum Rex, cognomine Magnus. Gontalus Carolus Bironius, Mare-scallus, coniurationem cum Hispano et Sabauda contra Regem suum fecerat. Hoc ut rescivit Henricus, Rex, Bironium, a senatu Lutetiano scriptis testibusque, immo dictis suis, coniurationis reum factum, capitisque damnatum, supplicio affici, iussit. Bironius autem non in publica Grauiæ platea, (de Greue) ubi nocentes plecti solent, sed intra parietes arcis Antonianæ (de Bastille) necatus est. Rex quidem hoc Bironii cognatorum gratia facere uidebatur, re autem uera ad euitandum tumultum, quia Bironius in aula plurimos habebat amicos, et militibus erat charissimus, ut memoriae prodidit Archiepiscopus Parisiensis, Harduin. de Perefixe, in historia Henrici Magni, Gallice scripta, p. 323. Quod citatus Thuanus lib. CXXVIII, ad A. MDCII, f. 982, a, ita declarat, Facto decreto Rex, qui interea ad Germani sanum secesserat, diplomate abrogauit, et reum non in platea Portuensis, sed in Bastiliæ area, ne tumultus, consuente, ut fit, ad spectaculum plebe, exoriretur, plecti uoluit. Conf. Petr. Marth. Histor. Franc. lib. III, Narrat. IV, p. 316, Luuet. in cit. Histor. illustrium] fauoritarum, ut uulgo dicuntur, tom. III, p. 83, seqq. Rudolph. Boter Commentar. lib. IX, p. 320, Gabr. Daniel S. I. in Hist. Franciæ, Gallice scripta, tom. X, p. 315, seqq. et citatus supra Christian. Matthiæ in Theatr. Histor. p. 1140, b, ubi ea, quæ nominati scriptores de ingenio Bironii meminerunt, amplius declarat. Commemorat nempe, fuisse eum idiotam, superbum, astrologis hariolisque, uel magis, deditum. Hi, si ei uere futura prædixissent, facile Bironium a nefariis conatibus, postea susceptis, detertere potuissent, nisi, malo ex orco genio ductus atque occoecatus, quæ sibi honori essent,

uera,

vera, quae autem exitium portenderent, falsa, credidisset. Eiusmodi autem uaticinia plerumque sunt uana, et facile fallunt, ut bene hic monent Perefixius c. l. p. 375, et Forstnerus in cit. not. ad Tacit. lib. XIV Annal. cap. IX, ad uerba, Consulenti super Nerone responderunt Chaldaei, p. 22. At Bironius ab omnibus facinoribus abstinuisset, si sermoni, quem Regina Angliae eidem, legationem apud ipsam obeunti, de superbia, perfidia, pertinacia, et male factorum infamia, exemplum Essexii proponens, fecit, fidem habuisset. Hoc breuiter commemorant Perefixius c. l. p. 341, et Thuanus lib. CXXXVII, ad A. MDC1, f. 943, a, fustius autem narrat modo citatus Petr. Marthaeus, tom. II Histor. Franc. lib. IV, narrat. III, p. 66. Qui quidem scriptores, Regnam Essexii caput, super turri Londinensi cum aliis affixum, Bironio ostendisse, aiunt. At Guil. Camdenus part. IV Histor. Elisab. p. 822, Essexii caput, non palo affixum, sed una cum corpore sepultum esse, affirmat, et Petrus Baclius in cit. Diction. sub nomine, Gontaut, f. 566, ex aliis auctoribus probat, Elisabetham tum eiusmodi colloquium cum Bironio instituisse, cum ipsi in conclauis Regio effigiem Essexii monstrasset. Infelicem Bironii exitum cum conspiratione, quippe huius causa, Germanice persecuti sunt citatus supra Botius no. XII, p. 97, seqq. et lo. Mercken in libro, ex Belgica lingua translato der Trauer-Schaubühne, histor. IV, p. 42, seqq.

## §. IX

Quot mo-  
dis poenae  
possint oc-  
culte sumi.

Iam satis de causis, cur poenae, praesertim capitales, a quibusdam, occulte repetantur, me dixisse, et satis multa exempla, eo pertinentia, attulisse, censeo. Ex his igitur apparet, fontes, uel causam non cognita, uel re in iudicium adducta, nonnunquam in locis occultis capere plectendos esse. Sed anne nox hic etiam attendi debet. Nocturnum utique tempus ad exequendum supplicium prudenti commodeque tum capitur, si periculum sit in mora, uel locus non satis tutus, aut seditio metuenda, ut scite scribit illustr. ICrus, Jo. Strauchius, Cap. X dissertationis de Iure tenebrarum, in opusculis eius Iuridico-Historico-Philologicis, p. 66, ubi ex Salustio, cap. LV, bell. Catilin. Lentuli, Cethegi, Statili, Gabinii et Cepatii



Cepatti affert exempla. Namque hi, coniurationis Catilinae conuicti, in carcere, tenebris obscurato, fractis laqueo gulis, proteruae poenas dederunt, cum consul optimum factu ratus esset, noctem, quae instabat, antecapere, ne quid eo spatio noueretur. Sed, cum poenae, tempore nocturno sumtae, fini, quem quaelibet poena habeat, necesse est, maxime repugnare uideantur, eamque ob causam, ut supra docui, improbari possint, praecipuos hic Iureconsultus definit casus, in quibus eiusmodi nocturna supplicia decerni, oporteat. Quinam uero sunt illi modi, quibus poenae, cum capitales, tum maxime non capitales, identidem iustis de causis clam infligi possint. Sunt quidam uiri in aula, quorum licet aperta crimina morte sint digna, tamen eos a principe publice plecti, et omni poena liberari, aequè inconsultum est. Qua de re princeps reum talem cum literis Bellerophontheis, poenae sustinendae causa, ad alium mittit. Dicuntur etiam haec literae in cap. XXXII, de offic. et potest. judic. deleg. literae Vriae, quia Dauides ius, cum Vriae uxorem in matrimonium ducendi cupiditate flagraret, in occidendo uiro usus est. Nam hunc cum epistola, in qua ea, quae ad eius internecionem pertinebant, perscripta erant, ad Ioabum, belli ducem, ablegauit. Bellerophontheae autem dicuntur a Bellerophonte. Hic fuit, ut Poetae perhibent, uir Phrygius, genere Corinthus. Dicebatur antea Hipponus. Nactus est hoc nomen inde, quod Bellerum, principem inter Corinthios uirum, occiderat. Postquam hanc caedem imprudens patrauerat Bellerophontes, Corintho profugus, Argos exulatum concessit, atque ad Regem, Proetum, uenit, cuius uxor Bellerophontem ad lascium sui amorem sollicitauit. Sed cum is, hospitii religione ductus, rem cupitam denegasset, subito amor in odium conuertitur. Quid sit. Accusat femina Bellerophontem, ac si ipsam amore uenereo diligere conatus esset. Maritus, uerbo mulieris temere credens, callidum aduersus Bellerophontem capit consilium. Negotia, quasi ei procuranda, tradit, ipsumque ad Iobatem, uicinum Lyciae Regem, cum literis mittit, quibus eundem rogauit, ut Bellerophontes, quouis modo posset, interficeretur. Iobates, acceptis literis, honestam occidendi iuuenis occasionem quaerere decreuit. Itaque Bellerophonti, ut chimacram, monstrum multiforme ac horrendum, e medio tolleret, mandatum dedit.

E

Primo

Primo enim imperu iuuenem ab hoc monstro interfici posse, arbitrabatur. At Bellerophontes, ope Pegasi, equi alari, atque a Minerva donati, in altum sublatus, chimaerum sagittis transfixit. Hac pugna feliciter pugnata, lobates Bellerophontem ad deuincendas Amazonas proficisci, iussit, quas uero eadem uirtute subegit, ac robustam Lyciorum iuuentutem, ad ipsum interficiendum in occultis tandem insidiis collocatam, confecit. Quo factum est, ut lobates, admiranda iuuenis praestantia adductus, Bellerophonti, ostensis Proeti literis, bene cuperet, et, data in matrimonium filia, regnum, post fata sua administrandum, destina-ret. Quam bene autem haec fabula, a poetis ficta, cum ueritate conspiret, egregie explanat Palaephatus in libro de Incredibilibus, *regi adragon*, cap. XXIX, et Martin. Brunnerus in not. ad h. l. p. 123. Fabula haec etiam in Adagiis Erasmi reperitur, sub locutione, Bellerophontes literas, uidelicet affert, f. 488, et Bellerophonte castior; f. 613, edit. secundum L. C. Hanouiae M DC XVII. At quae- rat quispiam, deeatne dolus malus principem uirum, quod uirum homini de fece plebis in omni uita fugiendum sit. Tamen si literae Bellerophonteae speciem commendationis prae se ferant, tamen dolose sunt scriptae, atque afferenti maxime sunt perniciet. Principem autem, literas Bellerophontaeas adhibentem, tum iuste, tum prudenter, facere, graues utique causae declarant. Audiamus iudicium Aerodii, quod iam aliquoties mentioni de simili fere puniendi modo, lib. VII, Cap. XVI, f. 412, factae, subiungit. Gallos, Praetor, ait, accusatus est, quod, suadente M. Antonio, in mortem Octauii, Caesaris, conspirasset. Conuictus, dignitate a collega spoliatus, domus a plebe direpta, et, iudicante senatu, morte damnatus est. Attamen Augustus, qui iis initiis securitati suae, non tam clementia, quam fama et opinione clementiae, consulebar, hac arte usus est, inquit Appianus, sed et Suetonius in Augusto, gratiam iudicii ferit, nihilque aliud statuit aduersus Gallum, quam ut ad Marcum, fratrem, qui erat in provincia, proficisceretur, ibique perpetuo esset. Verum proficiscentem sic clam occidi, iussit, ut de auctore et percussore nihil sciri et audiri posset. Hoc diligentius intaenti non perfidia, sed prudentia est. Nam rei tanti criminis, quid interest, quomodo pereant, dum pereant noxii, et quis, in poenae exigendae ratione, industriam non requirat, quae, nisi

nisi caute exacta est, a coniuratis in principem redundat. Haec Aerodius. Leuius adhuc occulte puniendi genus superest, quod poenas, vulgo non capitales appellatas, complectitur. Hoc poenarum genere princeps utitur, si quem, qui aliquid perpetravit, uel criminibus implicatus est, procul ab aula remouet. Dat ei noua et difficiliora negotia obeunda, eumque, nouis quasi muneribus, nouaque dignitate ornatum, in alium locum mittit. Fieri etiam solet, ut eiusmodi minister, uel principis mandato iussus, uel ab amicis monitus, sua quasi sponte de statione decedat. Plurima hanc in rem exempla occurrunt in Tacito, quae omnium optime diiudicauit Forttnerus in citatis iam notis ad eiusd. annales, uelut ad lib. I, Cap. V, ad uerba, Ceterum Tiberio haud ingratum accidit, cetera, p. 220, seqq. ad lib. II, cap. XLII, ad uerba, Nec ideo sinceræ charitatis, cetera, p. 334, ad lib. XIII, cap. XLVI, ad uerba, Proinciæ Lusitaniæ præficitur, p. 433, et lib. XIV, cap. LIII, ad uerba, At Seneca criminationum non ignarus, p. 92. Pariter Nero Othonem in prouinciā Lusitaniam, specie legationis, seposuit, narrante eodem Tacito lib. I Histor. cap. XIII, et P. Clodius in senatu sub honorificentissimo ministerii, h. e. legationis, titulo M. Caronem a Republica relegauit, uti hoc commemorat citat. Velleius lib. II, cap. XLV, ad quem locum Boecklerus in not. p. 213, ita commentatus est, Quam late pateat istud arcanum, quo, specie honoris, homines seponuntur, eximia dissertatione tractat Gruterus in discursu ad illud Taciti lib. II Annal. cap. XLII. Conf. Lipsius lib. IV Politic. cap. XIV, no. 76, cit. Clapmarus lib. IV, cap. XI, et Illustri Dn. a Leyser, in dissertatione, argumentum hoc, quam scienter, tam eleganter, declarante, de Poenarum Ministrorum Principis delinquentium, p. 18. Ex recentioribus adungi hic potest Comes de Melgara, summus rerum civilium et militarium in Regno Castiliæ Praefectus, qui vulgo Admirante de Castilla dici consuevit. Fuit hic uir excellenti acerrimoque ingenio, et plurimum apud Hispanos ualuit auctoritate. Hoc autem infensior fuit nouo Philippi Regis, adhuc uiuentis, imperio, quo maiori iniuria erat affectus. Nam quaedam munera, ab ipso ante administrata, amiserat, atque ab aulicis, in primis ab aduenis Galliae, uexabatur. Hic cum uariis de causis in Regis suspicionem cecidisset, consilium eum ab aula dimittendi est ini-

tum, ipsique legatio ad Regem Galliae delata. Sed dolam dolo elusit. Nonnullos de suis Lutetiam Parisiorum ad conducendam ibi domum misit, et Mantuae Carpetanorum, siue Madriti, pecunia magna ex praediis bonisque facta, atque ingenti hominum rerumque copia comparata, ita se gessit, ut legationem splendidissimam cum magno comitatu obire uelle uideretur. At aliquot dierum uiam, qua ex Hispania in Galliam itur, progressus, arcana a Rege se accepisse mandata, simulauit. Qua de re uersus Olysi-  
ponem, seu Lisbonam, se conuertit, ibique per confessionarium suum, Cinfuegos, altum ordinis Loiolitici sacerdotem, certis legatis, pro Comite deprecantibus, id impetrauit, ut a Rege Lusitaniae reciperetur. Quo facto, sedem ac domicilium in urbe illa constituit, et literis, statim ad Reginam missis, aliisque postea scriptis causam suam defendit, ut relatum legitur in monumentis (Mémoires) Lamberti, Gallice consignatis, tom. II, ad A. MDCCII, p. 257, et in Historia publica et arcana aulae Hispanicae, sub Philippo, gallice pariter scripta p. 57. In iis, qui moniti ex aula discesserunt, habendus est Gallicorum quondam purpuratorum princeps, Mazarinus. Namque, hoc Mazarino praesente, periculum erat, ne urbs tumultu perturbaretur. Itaque amice a Regina, matre, monitus fuit, ut, quam propere fieri posset, tota Gallia excederet, ita docente Beniam. Priolo, lib. VI histor. Gallic. cap. VII, p. 244. Eo libentius autem Reginae paruit Mazarinus, quo certior de reditu in Galliam fuit, qui paullo post, cum reuocatus esset, euenit, teste eodem Priolo c. I. cap. XXXIX, p. 284. Ceterum Princeps, maximos uiros regno expellens, multis minus prudenter agere uiderur. Hi enim, ciuitatibus puls, semper instrumenta se praebent affligendi patriam suam, eamque rempublicam, cuius finibus exceßerunt, ut recte iudicat laudatus saepe Forstnerus in cit. non ad Tack. lib. V Annal. cap. V, ad uerba, Ceterum Tiberio, cetera, p. 206, plurima uero eius rei exempla afferit Illust. Dn. a Leyser, in cit. disert. p. 28.

§. X.

Quinam casus dubii hic occur-  
runt.

Quemadmodum stebilis uitae exitus, quem Guisri, iussu Henrici III, Galliarum Regis habuerunt, eruditos uiros in diuersas traxit sententias, quarum rationes supra exposui, sic adhuc alia extant facta, de quibus, utrum

utrum iuste an iniuste suscepta sint, nostra aetate disputatur. Huc pertinet factum Philippi, Regis Hispanorum. Is filio unico, postquam rem cum S. Inquisitionis officio communicauerat, clam dato in iusculo ueneno, maturauit mortem. Fecit hoc, ut se in regno conseruaret. Iuuenis enim erat acer, uehemens, superbus, et imperii cupidus, cui pater Elisabetham, Henrici II, Galliarum Regis, filiam, ipsi desponsatam, eripuerat. Hoc cum indignaretur regius filius, et uaria arma, quae suspicionem, in quam iam inciderat, augebant, in cubiculo oecultasset, libereque coram sacerdote professus esset, se aliquem interficiendi iniisse consilium, pater, hoc audito, id ad se pertinere, dixit, prout omnem rem enarrat Thuanus lib. XLIII Hist. ad A. MDLXVIII, f. 870. Quamuis, commemorante Thuanus, lib. CXX, ad A. MDXCVIII, f. 830, eum ueneno periisse credatur, ob suspiciones, de turbidis cum Belgii proceribus, atque adeo cum Colino consiliis conceptas, causam tamen hanc Famian. Stradam, Decad. I, lib. VII, p. 316, frigide refutasse, scribit. Io. Christoph. Becmannus, in histor. Orb. terr. Geograph. et ciuili, part. II, cap. I, p. 483. Conf. Boetius, supra citatus, no. XI, p. 86, qui, Thuanum sine dubio securus, scribit, Carolum, summo uenenato iusculo, clam uitam posuisse, morbo, sua culpa accersito, eum occubuisse, Strada c. I. leniter autem strangulatum fuisse, uel, ut alii putant, secta uena, pedibusque in aqua positis, diem obasse supremum, Petr. Matth. lib. I. Histor. narrat. IV, p. 72, perhibeat. Quantum uero historici in describendo, quem Carolus habuit, uitae exitu, a se inuicem discrepant, tantum quoque uiri eruditi, in diiudicando Philippi, Regis ac Patris, facto, inter se dissentiunt. Nonnulli patrem fere laudibus usque in coelum efferunt. Nam Regem, aiunt, communem salutem priuato commodo antetulisse, et filium unicum, iuuenem, aetate maxime florentem, regni autem turbas molientem, interemisisse, eoque referunt Ciceronis in Orat. pro Roscio Amerino, cap. XIX, effatum, Magna, inquit, oportet esse uirtus atque peccata filii, quibus incensus parens potuerit in animum inducere, ut naturam ipsam uinceret, ut amorem illum, penitus insitum, eiceret ex animo, ut denique patrem esse sese, obliuisceretur. Merito igitur Regem amorem, quem natura in eos, qui procreati sunt, ingenerauit, uicisse, filiumque ea, quae ad conspirationem spectant,

facientem, maximique criminis reum, capite multasse, affirmant. Ingens enim est gloria Principis rempublicam magis amare, quam filios, ut est apud Fl. Vopisc. in Tac. vid. Petr. Mathaeus, cap. I, p. 72, Strada, cap. I, p. 315, et Lantius in orat. pro Hispania, p. 250. At sunt etiam, qui dicunt, Philippum Regem tam iniuste, quam imprudenter, fecisse. Filii enim animum ab ineunte adolescentia a Parente alienatum fuisse, perhibent, quod Patris iussu, a Roderic. Gomef. Sylva, ipsius ephoro, male habitus, durissima usus sit educatione. Nec postea benignitate sua Patrem filii animum, ab ipso aversum, reconciliare studuisse, aiunt, cum potius hoc odium Rex, Philippus, eo auxerit, quod non modo filium, Auftrionotho in eius locum substituto, a regis consiliis remouerit, sed ei etiam roganti Belgii praefecturam denegauerit, eamque Albano, de quo supra mentio est facta, detulerit, immo sponsam pulcherriam, Carolo destinatam, ipse in matrimonium duxerit. Accidisse praeterea, dicunt, ut Carolus, cum in Academia Alcalesi commemoraretur, ex scalis decideret, et, alio capite, graviter vulneraretur, unde talem cerebri contraxerit debilitatem, ut postea, plenae rationis usu destitutus, multa infulset et temerarie fecerit, vid. cit. Petr. Matth. cap. I, p. 70, et Fam. Strad. cap. I, p. 315. Deinceps perhibent, iudicium, ad cognoscendum Caroli delictum, haud rite constitutum, et nimis acre fuisse, acerbissimamque poenam, filio regis indignam, pronuntiasse, etiam si Hispaniae fuerit infans, ut dicere solent historici, ac dominus et futurus rex, quem non ab inquisitoribus, in ipsum male animatis, sed ab omnibus regni ordinibus, iudicari, oportuisset. Denique testimonium crudelitatis hoc esse, contendunt, quod Rex in alios usus sit clementia, contra ea in filium unicum saevitiam suam exercuerit, cum sequi potius debuisset Carolum M. Imperatorem, qui Pipino filio poenam, conspiratione meritam, condonauit, causam interserens, se esse Patrem, non Regem, aut iudicem filii, Petr. Matth. c. I, p. 71. Vtique hic ponderandum fuisset id, quod in Troadibus Senecae, u. 333, Pyrrho regerit Agamemnon, Quod non uetat lex, hoc uetat fieri pudor, vid. Io. Christoph. Becman. in dissert. de Cognomin. Princip. cap. I, §. XIV, p. 86. Dignus est, qui in eam rem legatur sermo ad Suleimannum, Turcorum Imperatorem, de supplicio Baiazeis cogitantem. Is habitus est

est a coniuge dilectissima, ac memoriae proditus a Busbequio, in ep. I. de rebus Turcicis, p. 151. Hic quidem Busbequius ante p. 57, mentionem fecerat Principis Turcici, Mustaphae, cuiusculam Parens, ob suspicionem affectati imperii, et metum Ianizatorum, clam intra parietes tabernaculi frangi, iusserat. Rationes autem, ad defendendam filii delinquentis caedem, a iure stricto desumptae, afferuntur in Io. Kleinii, Illustris Icti Rostochiensis, dissert. de foro illustris filii delinquentis, cap. II, in volum. disput. eius Iurid. p. 803. Conf. Caspar. Henrici Graunii disput. de Carolo, Hispaniarum Principe, Philippi II filio, hab. Vitembergae M DC LXXXVII. Pertinet huc quoque factum Reginae Suecorum, Christinae. Haec, cum regno se abdicasset, et in Gallia versaretur, Monaldeschi, Marchionem, stabuli sui magistrum, quae arcana nefarie prodiderat, in arcis Regiae, quae Fontis Bellaquei nomen habet, porticu, a certis denominatis, capitis damnauit, et, precibus nullum relinquens locum, per certos homines, ad id delectos, misere trucidari, iussit. His autem, qui obiecebant, id iniuriose fieri in Regem, ad quem haec arx pertinebat, respondit, se esse reginam, et quous loco suos puniendi habere potestatem, ut, praeter alios scriptores plurimos, rem enarrat auctor anonymus, qui uitam huius Reginae Germanice scriptam edidit Lipsiae M DCC V, 8. Confer libellum Germanicum, Anhang von 12 erhocheten und gefallenen grossen Ministern, no. XI, p. 172, in Politischen Discours vom Bel zu Babel, Hamburgi M DCC XII, 8, Henr. Anshelm von Ziegler taeglichen Schau Platz der Zeit, f. 1226, et Erasmi. Francisci hohene Trauer-Saal, II Theil, Histor. XL1, aliaque scripta. Sed res adhuc in dubium uocatur. Quaerunt uiri docti, licueritne hoc facere Reginae in peregrina arce. Sunt quidam, qui hoc negant, causam interponentes, Reginam in Gallia uixisse, ibique non liberam habuisse potestatem, neque ius uitae et necis, siue in alios, siue in suos, exercere potuisse. Aiunt praeterea, ipsam Reginam imperantis Regis imperium, quamdiu ibi fuisset, licet adhuc regnum teneret, agnoscere debuisset, uid. Ioachim. Nemeitz, in libro, quem inscripsit Séjour de Paris, cap. XXXVI, §. VIII, in not. Ad alii in alteram partem disputant. Si legatus, dicunt, in peregrina regione principis ditioni non est subiectus, et potestatem comites suos poenis efficiendi, habet, multo minus Rex alieno imperio obtemperare debet, uid. Sam. Willenbergii disput. de iurisdictione legati in comites suos, hab. Gedani M DCC V. Et quamuis Rex imperio se abdicauerit, tamen in statu naturali manet, et libertatem, a natura datam, retinet. Ex nemine pendet, nec cuiquam, nisi Deo, quamdiu communibus naturae agentium legibus conuenienter uiuit, neque reipublicae cuiusdam statum perturbat, rationem reddit, ut lucide demonstrauit Illustris Hassenius in dissert. de Conditione Principis, qui imperio se abdicauit, habita M DCC XXXIV, in qua p. 28, not. 15, ex Pusendorfio uerba adduxit, quibus Christina, facta abdicatione, libertatem atque immunitatem, per natales sibi competentem, se retinere, declarauit. Ipse Rex Galliae uidetur Christinae regiam quandam maiestatem tribuisse, quae indelebilis sit, in homines seruitio eius adstrictos, nullo circumscripta loco, nec ulli externo printipi subiecta. Nam, cum quidam Galii, regiam dignitatem hac relapsi putantes, regi funderent, ut in sacinus inquireret, Rex Christinam inuisit, nihil de trucidato locutus, eamque, paucos dies Lutetiae commorata, honorifice dimisit, teste Priolo, lib. IX, de reb. Gall. §. XIV, p. 330 Conf. Willenberg. in cit. dissert. Cap. II, §. XVII, p. 22. Venio nunc ad Albertum Wallensteinium, Friedlandiae Ducem, et summum militiae



Imperialis praefectum. Hic pari fere modo misere interit. Wallensteinus quidem, multis periculis in bello superatis, rebusque praecclare gestis, exsolvendus, et magnam sibi gloriam ac dignitatem comparavit. Sed, quoniam fuit superbus, incidit in suspicionem, tanquam multa perfidiosè contra Ferdinandum II, Imperatorem, fecisset. Cum vero vivus tuto neque capi, neque tradi, posse videretur, in arce Egrae ex composito necatus, perit, ut relatum legitur in vita eius, Italice scripta a Galeazzo Guisdo, Lione MDCXLIII, in 4, Latine autem edita a Iosua Arndio, Rostochii MDCLXVIII, in 8, et in Italica pariter huius facti descriptione, a Io. Franc. Loradano operibus suis inserta, tom. II, Venet. MDCLIII in 12, itemque in Boetii cit. lib. no. XXV, p. 244, seqq. Merckegii cit. pariter libr. p. 963, seqq. Luvetii cit. hist. tom. III, p. 349. Paulii Pufecii Chronic. gestor. in Europ. singul. ad A. M DC XXXVI, t. 468, Philipp. Andr. Burgoldensis, h. s. Oldenburgeri, discurs. ad Instrum. Pac. part. I, disc. 1, §. CV, p. 120, ubi germanicum Wallensteinii epitaphium simul exhibetur, et in Burcard. Gottlieb Struuii Syntagm. Histor. German. differt. XXXV, §. LXVII, p. 1638, ubi, praeter scriptores, iam commemoratos, alii citantur. Vane hi auctores de interitu Wallensteinii disputant. Alii hoc factum non probant, existimantes, de tali tanquam claro viro, et de Imperatore optime merito, suspitione sola non fuisse iudicandum. Nam neque causam suam dixit, neque auditus, turpi morte perit. Quodsi defensio ne gregarii militi denegatur, cur summo militum praefecto, maximam dignitatem obtinenti, non concedenda fuisset. Rectius, aunt, fecisset Imperator, si eui vivum comprehendi, iussisset, atque ipse, cognita in iudicio causa, eandem capitis damnaasset. Alii contra repentinum hoc mortis genus laudibus extollunt. Falsosodi enim iudicia adfuisse, perhibent, quibus Wallensteinus coniurationis factus sit reus. Inque rem iam eo pervenisse, dicunt, ut aut Principi, aut coniuranti, pereundum fuisset. Sed, quoniam propter potentiam, nec capi sine turba, nec custodia teneri, nec legibus iudicari, potuisset, imminentem tempestatem et periculum insans depelli, ac, tanquam serpenteum, antequam moria nocuerit, occidi, oportuisse, contendunt, sic in primis iudicante Loreadano in cit. lib. p. 273. Plurima eius rei exempla in medium proferre possem, sed libet adhuc pauca de supplicio Mariae, Sotorum Reginae, in Angliæ, regnum teneute ipsius sorore, Elisabetha, dicere. Haec enim Maria carnicibus manum palam, in ferasi pegmate, secum fuisse percussa. Sed multi dubitant, utrum haec necandi ratio iusta, an inuisa sit exiti monda. Satius fuisse, putant, si Elisabetha Mariam, morte dignam, vel perpetuo in custodia retineri, vel clau, uena incisa, aut aspidis morso adhibito, aut data, Aithenien. sum more, cicota, interim, iussisset, ut, graoiter in Elisabetham ea de causa inuehens, exstimator Lausius in Orat. contra Britanniam, p. 576. Sed satis de hoc, ac plura de his commemorando, egrediar extra fines, ab ea praescriptos lege, cuius obseruandae causa, huic dispositioni imponitur

F I N I S